

Na osnovu člana 32. Zakona o javnim nabavkama („Službeni glasnik BiH“ broj 39/14), a nakon provedenog otvorenog postupka za javnu nabavku roba – Potrošni materijal za operaciju katarakte i abdominalne operacije, objavljenog na web portalu Agencije za javne nabavke dana 17.03.2017. godine, zaključen je

OKVIRNI SPORAZUM

Između:

Javna ustanova Opća bolnica „Prim. dr. Abdulah Nakaš“,
Ul. Kranjčevićeva broj 12, 71000 Sarajevo,
koju zastupa direktor prim. dr Zlatko Kravić
Identifikacijski broj: 4200288400001,
(u daljem tekstu: Kupac)

i
MEDICALLUX d.o.o. Tuzla,
Sjedište dobavljača: Pavla Goranina broj 7, 75000 Tuzla,
koju zastupa direktor Hidajet Hurić,
Identifikacijski broj dobavljača: 4209105260009
Transakcijski račun dobavljača: 1610250001510046
Naziv banke dobavljača: Raiffeisen Bank d.d.
(u daljem tekstu: Dobavljač),

PREDMET OKVIRNOG SPORAZUMA

Član 1.

Predmet Okvirnog sporazuma je nabavka roba: Potrošni materijal za operaciju katarakte i abdominalne operacije, po lotovima kako slijedi:

1. LOT 2 – Elektroda gelirana Aesculap
2. LOT 3 – Klipse za klip aplikator Aesculap
3. LOT 7 – Hemostatski materijal i
4. LOT 16 – Hirurški potrošni materijal - razni

prema ponudama broj: 94/17, 95/17, 96/17 i 97/17 od 03.04.2017. godine, a na osnovu Odluke o izboru najpovoljnijeg ponuđača broj 1674-10/17 od 23.05.2017.godine.

Ponude sa specifikacijom roba broj: 94/17, 95/17, 96/17 i 97/17 od 03.04.2017. godine i dokumentacija dostavljena po predmetnoj nabavci sastavni su dio ovog sporazuma,

dalje: ponude Dobavljača, (ugovorne strane podrazumijevaju da kompletna ponuda Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio sporazuma s tim da se zbog obimnosti iste uz sporazum fizički vežu samo dokumenti iz ponude koji se odnose na osnovne komercijalne i tehničke elemente ugovora / nabavke), dostavljene po otvorenom postupku broj 4/17.

Na osnovu provedenog postupka okvirni sporazum se zaključuje sa jednim ponuđačem.

Član 2.

Okvirni sporazum (u daljem tekstu: sporazum) se zaključuje na period od 2 (dvije) godine i traje do isteka sporazuma odnosno do utrošene maksimalne finansijske vrijednosti po lotovima:

1. LOT 2 – Elektroda gelirana Aesculap - do 8.310,00 KM bez uračunatog PDV-a, odnosno 9.722,70 KM sa uračunatim PDV-om na dvogodišnjem nivou;
2. LOT 3 – Klipse za klip aplikator Aesculap - do 71.760,00 KM bez uračunatog PDV-a, odnosno 83.959,20 KM sa uračunatim PDV-om na dvogodišnjem nivou;
3. LOT 7 – Hemostatski materijal - do 1.154,32 KM bez uračunatog PDV-a, odnosno 1.350,55 KM sa uračunatim PDV-om na dvogodišnjem nivou;
4. LOT 16 – Hirurški potrošni materijal – razni - do 4.062,36 KM bez uračunatog PDV-a, odnosno 4.752,96 KM sa uračunatim PDV-om na dvogodišnjem nivou.

Za vrijeme trajanja sporazuma predviđa se sklapanje 2 (dva) ugovora o javnoj nabavci predmetnih roba po nepromijenjenim uslovima sa dobavljačem kojem se dodjeljuje ugovor u skladu sa članom 4. Okvirnog sporazuma iz oblasti nabavke predmetnih roba.

Član 3.

Ovaj okvirni sporazum ne predstavlja obavezu Kupca na kupovinu robe od Dobavljača, već predstavlja osnovu za zaključenje pojedinačnih ugovora u toku trajanja okvirnog sporazuma.

Tokom trajanja ovog Okvirnog sporazuma Kupac će zaključivati pojedinačne ugovore u skladu sa raspoloživim finansijskim sredstvima i potrebama Kupca.

Zaključenjem pojedinačnog ugovora sa Dobavljačem, nastaje obaveza za isporuku robe.

Član 4.

Strane u sporazumu zaključit će pojedinačne ugovore. Prvi ugovor će se zaključiti istovremeno sa zaključivanjem ovog sporazuma, a nakon provedenog postupka javne nabavke, dok će se drugi ugovor zaključiti bez sprovođenja postupka javne nabavke.

Količine roba iz Obrasca za cijenu ponude nisu obavezujuće za ugovorni organ.

Cijene roba iz Obrasca za cijenu ponude su nepromjenjive za cijeli ugovoreni period i ne podliježu bilo kakvim promjenama u toku izvršenja sporazuma.

Ugovorne strane su saglasne da sporazum realizuju prema već definisanim uslovima u Obavještenju o javnoj nabavci putem otvorenog postupka nabavke, tenderskoj dokumentaciji, ugovoru o javnoj nabavci roba i ponudi Dobavljača.

BANKOVNA GARANCIJA ZA OSIGURANJE IZVRŠENJA UGOVORENIH OBAVEZA

Član 5.

Dobavljač je, u smislu osiguranja izvršenja obaveza po ovom Sporazumu, obavezan Kupcu dostaviti sljedeće безусловne originalne bankarske garancije (prema obrascu utvrđenom od strane Kupca):

- Garancija za uredno izvršenje ugovora / dobro izvršenje posla u iznosu od 10% ukupne vrijednosti Sporazuma sa uračunatim PDV, sa rokom važnosti garancije: rok isporuke roba +30 dana;

Dobavljač će garanciju iz prethodnog stava dostaviti u roku od 10 (deset) dana od dana zaključivanja ovog sporazuma / obostranog potpisivanja ovog ugovora.

Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavnim.

Član 6.

Ovaj Okvirni sporazum ugovorne strane mogu raskinuti pisanim putem, na način da strana koja traži raskid ovog Okvirnog sporazuma upućuje pisanu obavijest drugoj ugovornoj strani, i to u slučaju povrede odredbi ovog Okvirnog sporazuma, ako druga strana nije takvu povredu ispravila čak ni u ostavljenom primjerenom roku, koji ne može biti kraći od 5 dana.

Kupac može raskinuti ovaj Okvirni sporazum u slučaju:

- da dobavljač kojem je ponudeno zaključivanje pojedinačnog ugovora ne potpiše pojedinačni ugovor ili ne dostavi bankarsku garanciju za dobro izvršenje ugovora
- da iz bilo kog razloga ugovorne strane raskinu pojedinačni ugovor,
- da druga ugovorna strana ne poštuje odredbe ovog Okvirnog sporazuma;

Član 7.

Na pitanja koja nisu regulisana ovim Okvirnim sporazumom, primjenjivat će se odredbe Zakona o obligacionim odnosima, kao i ostali propisi koji regulišu predmetnu materiju.

Član 8.

Ovaj sporazum stupa na snagu danom obostranog potpisivanja od strane ovlaštenih lica ugovornih strana.
Sastavni dio ovog sporazuma je specifikacija robe i ponuda broj 94/17, 95/17, 96/17 i 97/17 od 03.04.2017. godine.

Član 9.

Sve eventualne sporove ugovorne strane će rješavati sporazumno, u duhu dobrih poslovnih odnosa i uzajamnog povjerenja.
Ukoliko se sporazumno rješenje ne postigne, nadležan je sud u Sarajevu.

Član 10.

Sporazum je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

PREMIJLA

Amira Petrović, BA općeg prava
Referent za pravne poslove

AP

KONTROLISALA

Šadeta Hrustenović, dipl. inž.
Koordinator za javne nabavke

Sh

Dobavljač

„MEDICALLUX“ d.o.o. Tuzla

DIREKTOR

Hidajet Hurić



Kupac

Javna ustanova Opća bolnica

„Prim. dr. Abdulah Nakaš“

DIREKTOR

Zlatko Kravić
Prim. dr. Zlatko Kravić



Broj 300/17

Tuzla, 20.06.2017. godine

Broj: 1674-15/17
Sarajevo, 12.06.2017. godine